

【入正定聚】（科註第五八四頁倒數第一行）

《佛學大辭典》「三聚」條（節錄）：（名數）以三聚該收一切眾生也。一、正定聚，必定證悟者。二、邪定聚，畢竟不證悟者。三、不定聚，在二者中間有緣證悟，無緣不證悟也。（下略）

《法相辭典》「入正性決定」條（節錄）：大毗婆沙論三卷十頁云：有餘師說：入此正性離生，應言入正性決定。所以者何？謂於此時，從不定聚出，入正定聚故。復次行者，爾時捨邪定聚所依異生性（凡夫之性），入正定聚所依見道。是故名為入正性決定。

復次行者爾時捨五同分，入八同分。五同分者：謂諸異生所有同分。依彼能造五無間（五逆罪也）故。八同分者：謂諸聖者所有同分。依彼能得四向果（小乘四向四果之聖者也）故。彼於爾時，捨邪定分，入正定分。是故名入正性決定。復次所入見道，非邪定聚，故名正性。非不定聚，故名決定。又云：有誦名入正性決定。謂見道位，無漏相續，必無餘隔；故名決定。